



Broj: UP09-07-1-1005/22
Sarajevo, 01.07.2022. godine

Ministarstvo pravde Bosne i Hercegovine, rješavajući Zahtjev osnivača UDRUŽENJA GREEN ENERGY, u predmetu upis u Registar udruženja, na osnovu člana 8. i 33. Zakona o udruženjima i fondacijama Bosne i Hercegovine ("Službeni glasnik BiH", br. 32/01, 42/03, 63/08, 76/11 i 94/16) i člana 4. stav (1) Pravilnika o načinu vođenja registra udruženja i fondacija Bosne i Hercegovine i stranih i međunarodnih udruženja i fondacija i drugih neprofitnih organizacija ("Službeni glasnik BiH", br. 68/18), d o n o s i

R J E Š E N J E

1. U Registar udruženja kod Ministarstva pravde Bosne i Hercegovine pod **registarskim brojem RU-2623** Knjiga I Registra, dana 01.07.2022. godine, upisuje se Udruženje pod nazivom:

a) UDRUŽENJE GREEN ENERGY
УДРУЖЕЊЕ GREEN ENERGY
UDRUGA GREEN ENERGY

2. Adresa sjedište Udruženja je: Jelah, Ulica Glinište broj 2.

3. Ciljevi i djelatnosti Udruženja su: zalaganje za edukaciju i neformalno obrazovanje građana; rad na unapređenju poslovnog ambijenta u oblasti obnovljivih izvora energije; zalaganje za proizvodnju i upotrebu električne energije iz obnovljivih izvora u cilju očuvanja životne sredine; razmatranje najboljih praksi primenjenih u zemljama EU; stvaranje decentraliziranih energetske sustava u vlasništvu građana čime se podupire razvoj lokalnih gospodarstva; rad na podizanju nivoa stručnih kompetencija i naučnih znanja članova Udruženja organiziranjem konferencija, stručnih i naučnih predavanja, seminara, savjetovanja, simpozija i razgovora, u svrhu ostvarivanja ciljeva i djelatnosti Udruženja; saradnja sa poduzećima i firmama, odgovarajućim organima i sličnim organizacijama u zemlji i inostranstvu radi razmjene informacija i iskustava; zalaganje za dosljednu primjenu Zakona o korištenju obnovljivih izvora energije i efikasne kogeneracije; promovisanje značaja istraživanja i kreiranja, te evaluaciji društvenog, ekonomskog i kulturnog razvoja; zastupanje članova/članica Udruženja po svim pitanjima iz domena djelatnosti Udruženja; predstavljanje Udruženja kao i članova/članica na forumima, sastancima, panelima, poslovnim razgovorima; održavanje radionica i seminara sa ciljem promocije ciljeva i djelatnosti Udruženja.

Udruženje se razvrstava za područje djelovanja:

15. Zaštita okoliša i prirode

4. Lice ovlašteno za zastupanje Udruženja u pravnom prometu je:
- Almir Mujaković, predsjednik Upravnog odbora Udruženja

5. Danom upisa u Registar udruženja kod Ministarstva pravde Bosne i Hercegovine, udruženje stiče svojstvo pravnog lica i ima slobodu djelovanja na cijelom području Bosne i Hercegovine isključivo pod registrovanim nazivom.

6. Ovo Rješenje će se objaviti u „Službenom glasniku BiH“, o trošku podnosioca Zahtjeva.

O b r a z l o ž e n j e

Osnivači UDRUŽENJA GREEN ENERGY su 11.05.2022. godine podnijeli Zahtjev za upis u Registar udruženja kod Ministarstva pravde Bosne i Hercegovine.

U toku postupka registracije, Ministarstvo je utvrdilo da Zahtjev nije potpun, te da sadrži nedostatke i nepravilnosti zbog kojih nije moguće izvršiti registraciju.

Ministarstvo je aktom broj: UP09-07-1-1005/22 od 27.05.2022. godine zatražilo ispravku i dopunu Zahtjeva.


Nakon otklanjanja nedostataka podnosilac Zahtjeva je podneskom od 20.06.2022. godine izvršio ispravku Zahtjeva i dostavio sljedeću dokumentaciju: Odluku o osnivanju UDRUŽENJA GREEN ENERGY broj: 01-04/2022 od 29.04.2022. godine; Odluku o usvajanju Statuta broj: 02-05/22 od 29.04.2022. godine; Statut Udruženja broj: 01-05/22 od 29.04.2022. godine, u dva primjerka; Odluku o imenovanju članova Upravnog odbora Udruženja broj: 03-06/22 od 29.04.2022. godine; Odluku broj: 02-05/22 od 29.04.2022. godine; ovjeren vlastoručni potpis i fotokopiju lične karte imenovanog lica za zastupanje; ovjerenu Izjavu u skladu sa članom 31f.) Zakona; Zapisnik sa Osnivačke Skupštine Udruženja broj: SK/10/22 od 29.04.2022. godine; prevod dijela naziva Udruženja sa engleskog jezika od Pušina Amre, stalnog sudskog tumača za engleski jezik od 10.06.2022. godine; ovjerene fotokopije ličnih karata osnivača Udruženja i dokaz o uplati administrativne takse.

Na osnovu činjenica utvrđenih u postupku, proizilazi da su ispunjeni uslovi propisani čl. 8. i 33. Zakona o udruženjima i fondacijama Bosne i Hercegovine i člana 4. Pravilnikom o načinu vođenja registra udruženja i fondacija Bosne i Hercegovine i stranih i međunarodnih udruženja i fondacija i drugih neprofitnih organizacija za upis UDRUŽENJA GREEN ENERGY u Registar udruženja kod Ministarstva pravde Bosne i Hercegovine. Imajući u vidu prednje navedeno, rješeno je kao u dispozitivu.

Na ovo Rješenje naplaćena je administrativna taksa u iznosu od 200,00 KM za upis u Registar udruženja, u skladu sa TAR. Brojem 108. Odluke o dopuni tarife administrativnih taksi, („Službeni glasnik BiH“ broj: 73/17).

Pouka o pravnom lijeku:

Protiv ovog Rješenja nije dopuštena žalba, ali se može pokrenuti upravni spor tužbom pred Sudom Bosne i Hercegovine. Rok za podnošenje tužbe je 60 dana od dana prijema ovog Rješenja.



MINISTAR
Josip Grubeša

Dostavljeno:

- Almir Mujaković,
Ulica Dolac broj 1, 74260 Tešanj,
(za UDRUŽENJE GREEN ENERGY, u osnivanju),
i ovjeren tekst Statuta Udruženja
broj: 01-05/22 od 29.04.2022. godine;
- Zbirka isprava;
- JP NIO "Službeni list BiH".